

續山東考古錄

續山東考古錄卷之十八

滄州葉圭綬子佩



兖州府上

滋陽縣

周魯負瑕邑乘邱邑

春秋哀公七年左傳以邾子益來囚諸負瑕杜注魯邑高平南平陽縣西北有瑕邱城按卽漢縣或曰舜就時於負夏者也寰宇記瑕邱在濮陽縣東南三十里衛公叔文子升瑕邱云云是在今直隸開州境也水經注將魯衛瑕邱混爲一又莊公十年公敗宋師於乘邱杜注魯地按卽漢縣

通典瑕邱東北有檀鄉姓譜齊公族有食邑於瑕邱檀鄉路  
史以爲古灌檀國按檀之名不見於春秋近魯似非齊邑後  
漢檀鄉賊據此

漢兗州山陽郡瑕邱縣泰山郡乘邱縣東平國樊縣

瑕邱縣故城在東北五里舊說在縣西二十里非也水經注  
洙水支津逕瑕邱城北又西逕寧陽故城南是瑕邱城在漢  
寧陽城東南也若在西二十里寧陽故城在縣直北則在寧  
陽西南矣縣東北古城舊以爲隋兗州城水經注稱漢縣卽  
魯負瑕邑舊唐志瑕邱下云宋置兗州於魯瑕邑故治隋因  
置瑕邱縣是隋縣卽漢治歷有明據惟元和志稱淮南王神

通營在瑕邱故城中似古城與隋唐治爲兩城或如高密夷  
安城輔唐昌安城諸城東武城之類新城在古城內耳觀後  
漢書章懷注瑕邱今兗州縣不云有故城可證漢志瑕邱應  
劭注瑕邱在西南是在西二十里者乃瑕邱非瑕邱縣或淮  
南營在彼唐初已誤爲古城歟俟再考

乘邱縣故城在西南三十里水經注洸水自寧陽西又西南合洙

水支津又西南逕太山郡乘邱縣故城東據此乘邱城當在

今漕河即洙支津故渠合洸處之西南史記正義乘邱在瑕邱西三

十五里是也漢志作乘邱師古曰春秋公敗宋師於乘邱卽

此應劭以乘氏爲乘邱最繆詳鉅野

樊縣故城在西南二十五里俗名顧王城

漢范縣古顧國或說樊爲范因有顧

王之稱歟俗傳盜跖所居盜跖無緣稱顧王也

括地志樊縣故城在瑕邱縣西南三

十里顧王城東北去瑕邱故城里數吻合紀要近志皆稱在

濟寧州誤以瑕邱爲瑕邱縣耳 寰宇記引郡國志樊爲鄉

士樊仲皮國考春秋莊公二十九年樊皮畔王自是周畿內

地後以賜晉文者此非

後漢兖州山陽郡瑕邱縣任城國樊縣魏因之

後漢志南平陽下劉昭注引杜預注瑕邱一條考晉無瑕邱

據杜說蓋省入南平陽也後漢瑕邱未省當引係瑕邱下

晉兖州任城國樊縣及高平國南平陽縣地

劉宋兗州治瑕邱故城元嘉三十年復置兗州於此

先治鄒山二十年省

爲平陽縣地又陽平郡

後魏加東頓邱縣地

後魏因之

魏志頓邱有乘城

齊周皆爲兗州治爲鄒縣地

齊省平陽入鄒也

隋治瑕邱縣開皇三年復

兗州魯郡

唐河南道

兗州魯郡

泰寧軍節度治瑕邱縣貞觀十四年升都督府

乾符三年賜軍號五代梁唐晉漢因之周廣順二年降爲防禦

州

舊唐志武德五年徐圓朗置兗州據寰宇記五年下脫討平

二字元和志兗州沿革并及南兗州而晉宋治鄒山治瑕

邱反畧不書甚不合

宋京東東路龔慶府泰寧軍節度治瑕縣建隆元年復爲軍政  
和八年升兗州爲龔慶府大觀四年改瑕邱爲瑕縣

金山東西路兗州泰定軍節度治磁陽縣金改瑕縣爲磁陽大  
定十九年移泰寧軍於奉符又於此置泰定軍

元都省山東濟寧路兗州治磁陽縣憲宗二年州屬東平路至  
元二年省寧陽入磁陽五年州屬濟州十六年屬大德元年復  
置寧陽

元志金改兗州爲泰定軍元初復爲兗州按唐宋以來州郡  
每帶軍號金兗州號泰定軍非改州爲軍也

明山東布政司兗州府治磁陽縣兗州初屬濟寧府洪武十八

年升府成化間改磁陽爲滋陽附洪武初設兗州左衛後改任

城衛

縣徙今治史無明文縣志云洪武十八年封魯王於兗州遂升爲府而擴其南城是明初已在今治或曰卽是年徙俟考國朝因之又爲兗沂曹濟道治 裁衛

縣志

知縣仲宏道

年修

曲阜縣

古大庭氏都炎帝自陳徙都於此少皞都又壽邱邑商奄國都周魯國都又防邑戰國入楚

春秋昭公十八年左傳梓慎登大庭氏之庫杜注在魯城內



古國名孔穎達以爲古天子國司馬貞謂卽炎帝又謂人皇  
以後有大庭氏不可考矣寰宇記稱在曲阜縣城內縣東一  
百五十步

又定公四年左傳成王因商奄之民命以伯禽而封於少皞  
之墟帝王世紀曰少昊自窮桑登帝位窮桑在魯北後徙曲  
阜按旣自窮桑徙曲阜未必近曲阜地也

帝王世紀曰黃帝生於壽邱在魯東門之北史記舜作什器  
於壽邱寰宇記稱在曲阜縣東北六里闕里文獻考以爲宋  
仙源縣城卽其地

服虔曰商奄魯地皇覽云奄國在魯城內寰宇記史記云從

郭出魯奄中張茂先云卽魯之奄里一曰奄中里紀要奄在縣東二里仍在古城內也

魯國城卽漢縣曲阜之名見禮記明堂位篇應邵曰曲阜在魯城內委曲長七八里或曰名起於上古

孔子曾祖防叔闕里志云爲魯防邑大夫按防山在縣東南二十里蓋魯近郊邑

後漢志魯縣有牛首亭劉昭注引左傳桓十四年宋伐鄭取牛首按魯境內似不能有鄭地此自漢世亭名司馬氏亦誤載也 春秋發微曲阜縣西北有小穀城闕里文獻考城東北漢下村有古冢俗呼霸王頭相傳葬項王首處按春秋城

小穀當爲魯邑非齊之穀前錄詳矣漢王以羽初封於魯又以魯爲楚守持羽頭示魯父老因葬之穀城當爲近魯之地若穀城乃齊地何取持頭遠行葬於彼乎漢葬羽首當在此小穀邑亦當在此

漢徐州魯國治魯縣本秦薛郡治惠帝改魯國

魯縣故城在東二里今古城村魏志魯郡秦置爲薛郡高后

改爲魯國然則薛郡卽治此矣

漢書楚元王傳王戊時削薛郡按時在景帝二年仍有薛

郡似魯爲分置非改置或曰改薛爲魯而別置薛郡今姑據魏志書之再考

漢書灌嬰傳擊楚將公杲於魯北破之轉南破薛郡長身虜騎將入攻博陽按魯北魯縣北也轉南則至魯縣亦薛郡治魯之證

漢志魯國屬

豫州後漢志光武改屬豫州劉宋志魯郡本屬徐州光武改

屬任城按漢志豫州當作徐州劉宋志任城當作豫州

後漢豫州魯國魯縣爲東海國治

後漢建武二十八年魯王興徙北海以魯國益東海國東

海王實都魯縣別無魯國王而有魯相今書魯國治魯縣則沒東海國治之實又不能逕去魯國之名故變例書之魏復故

晉兗州魯郡治魯縣劉宋後魏因之

紀要宋魯郡治鄒縣以劉宋志魯郡首鄒縣耳不足據

魏志魯縣有魯城據元和志寰宇記曲阜古蹟去城里數知

宋以前縣治乃魯城東半此所有卽西半故址猶今稱東半

爲古城也漢魯靈光殿在魯城內似漢國城乃春秋舊址後

魏時已改而小之矣 晉志作魯郡通典云晉改國爲郡是

也魏志以爲皇興三年改郡未詳何時會復置國

高齊兗州任城郡治魯縣周因之

隋

兗州魯郡

曲阜縣開皇三年廢任城郡四年改魯縣曰汶陽十六

年又改

元和志開皇三年罷郡仍移汶陽縣理此按隋志稱四年改縣曰汶陽改與移不同未詳孰是隋初汶陽在今泗水非漢治近志有謂魯縣移漢汶陽故城者誤甚

唐河南道

兗州魯郡

曲阜縣貞觀元年省入泗水八年復五代因之

舊唐志武德元年省曲阜按其時兗州尙據於徐圓朗唐安得而省之其州說下作貞觀元年與新唐志同武德字係筆

設 括地志昌平鄒邑皆係泗水蓋其時省曲阜入之也

宋京東東路夔慶府仙源縣大中祥符五年改曲阜曰仙源熙  
寧五年省鄒縣入之元豐五年復置

仙源縣故城在東八里今舊縣大中祥符五年徙通志云卽  
奄國之墟與舊說不合而別無依據不可從 宋志仙源魏

曲阜魏當作隋沿寰宇記之誤

金山東西路兗州曲阜縣天會七年改仙源仍名曲阜

元都省山東濟寧路兗州曲阜縣至元二年省泗水入之三年  
復析置

明山東布政司兗州府曲阜縣

明曲阜縣卽今治古魯城西南隅也嘉靖三年徙

此據縣志通志正德

九年徙再考

國朝因之

縣志

乾隆二十九年修知縣潘相

寧陽縣

周魯聞邑曲池邑成邑成戰國入齊又戰國齊剛邑

春秋哀公八年齊人取謹及闚杜注岡縣北有闚鄉漢志剛

故闚應劭曰春秋云云今聞亭是據此是聞邑非卽剛縣城

矣水經注汶水過岡縣北地理志云云

引應說截去今聞亭句便似剛闚爲一城

者杜預云云岡城東有一小亭今岡縣治俗人又謂之闚亭

京相璠曰岡縣西四十里有闡亭汶水又西逕春亭北考古  
無春名惟平陸縣有堂陽亭然是東去岡城四十里推璠所  
注則符所未詳也按璠說疑遠洗水逕岡西闡亭東卽指岡  
城東之小亭應杜似皆指此 闡公羊作憚 齊乘闡在  
荏平北誤

又桓公十三年公會杞侯莒子於曲池杜注汶陽縣北有曲  
池亭

又桓公六年公會紀侯於成杜注魯地在泰山鉅平縣東南  
襄公十六年齊侯伐我北鄙圍郟傳齊侯圍郟杜注郟孟氏  
邑水經注淄水 今統名  
小汶 又逕郟北春秋郟人伐齊飲馬於斯

水也按成自是魯孟氏邑後漢成縣若郟國則在今濮州境



隱五年衛師入邾公羊作盛莊八年師及齊師圍邾邾降於齊公羊作成傳云成者何盛也盛則曷爲謂之成諱滅同姓也故杜預謂衛所入卽東平剛父縣西南之盛鄉後漢志成縣下云本國愚謂邾與衛接故後入於衛如在剛平衛安得有之至孟氏成邑尤與邾國無涉成盛字古通用後人凡國邑名多加邑故成國成邑皆或作邾謂諱滅同姓改盛爲成恐聖人不爲此掩耳盜鈴事但據水經注剛平西南確有盛鄉城路史以邾爲文昭成爲文昭所分盛爲召公後則截然三國未詳所本

金改中都曰汶陽邾國成邑及陽關柴城又附會於汶上境甚謬

昭公四年

注稱成木杞邑尤所未詳 史記齊宣公四十八年取魯之

郟

史記穰侯列傳伐齊取剛壽按卽漢剛縣

在齊襄王十四年

春秋襄公十七年齊侯伐我北鄙圍桃杜注卞縣東南有桃虛按卞縣桃虛在魯東南何得謂之北鄙乎昭公四年季孫將以成與杞謝息不可與之桃

以成與杞以桃與孟

此卽北鄙之桃漢

桃山縣在縣東北與成相近當卽魯北鄙桃邑備考

紀要遂國城謝過城棘亭鉅平城陽闕城皆係寧陽使稍爲稽核何至於此

漢兗州泰山郡寧陽縣剛縣桃山縣徐州魯國汶陽縣

寧陽縣故城在南十七里今古城

剛縣故城在東北三十里今堽城壩

桃山縣故城在東北十八里今石碣社土城通典龔邱下漢

桃鄉縣故城在東北考水經注汶水逕桃鄉城北在春亭後

春亭在縣西北桃鄉非東北明甚杜氏誤也縣志土城在東

北十八里漢褒魯侯食邑考漢書表褒魯侯邑在南陽平當是

南平而地理志桃山下注莽曰褒魯縣志亦誤也參兩誤說

而會通之知此城卽桃山縣杜氏誤作桃鄉縣志誤以莽名

爲漢侯邑矣紀要以滕縣桃山爲漢縣非是

汶陽縣故城在東北五十四里今城上村與泰安接界後漢書王梁傳攻肥城

文陽文陽水經注汶水自鉅平又西南逕汶陽縣北元和志

卽汶陽

稱在龔邱縣東北五十四里是也通典謂在泗水縣東南非

漢縣矣

詳泗水

後漢兖州東平國寧陽縣濟北國成縣剛縣豫州魯國汶陽縣魏剛縣未詳何屬成縣寧陽未詳省否

成縣故城在東北九十里寰宇記校勘疑前漢志式縣卽成之訛考王子侯表亦作式赤眉過式縣掠故式侯萌之子恭茂盆子三人自隨又更始復封恭爲式侯後漢書通鑑皆作式非成縣之訛明矣

縣在前漢介鉅平汶陽柴三縣之間未詳何屬

補三國志剛父屬東平又無成縣據晉例魏也晉無寧陽補志有皆無明據考剛父之名惟杜預春秋釋地一見而晉志

作剛平魏志亦稱晉曰剛平是晉未改稱剛父也平父字作十作×雖斜正不同形甚相近父蓋平字訛耳縱晉果名剛父安知魏已改稱乎

晉兗州東平國剛平縣泰山郡鉅平縣地

成縣晉鉅平地見前

豫州魯郡

汶陽縣

劉宋兗州魯郡汶陽縣陽平郡元城縣地

魏志元城有寧陽城

樂平縣地

魏志樂平有青山祠元和志異邱縣青山在縣西三十里後魏有青石山祠卽此今一名魏山

後魏兗州東平郡剛縣東陽平郡元城縣地樂平縣地及魯郡

汶陽縣地縣治徙今泗水縣

魏志汶陽有汶陽城知故城猶屬之

後魏剛縣故城卽古闡亭魏志剛縣改治剛城按鄆道元稱

剛城東闡亭爲今岡縣治此剛城當是闡城之訛

高齊兗州

郡平原縣天保七年移後魏東陽平郡之平原

縣於此周因之

齊兗州平原縣卽今縣治元和志龔邱縣高齊文宣帝移置平原縣於漢寧陽故城北十七里按此平原縣治在今汶上境與實土無涉寰宇記稱後魏移誤

隋

兗州魯郡

龔邱縣開皇十六年改平原爲龔邱

元和志隋以與德州平原縣同名以縣東南二十里有龔邱城遂改平原爲龔邱按是時治梁鄒之平原尙未改名不獨與德州平原同名也

隋梁父縣

詳泰安

準其地望甚似故成縣城備考

唐河南道

兖州晉郡

龔邱縣五代因之

宋京東西路龔慶府龔縣大觀四年改龔邱爲龔縣

金山東西路兖州寧陽縣大定二十九年改龔縣爲寧陽

續通考龔邱宋改寧陽誤

元都省山東濟寧路兖州寧陽縣至元二年省入嶧陽大德元年復

明山東布政司兖州府寧陽縣

國朝因之

縣志

乾隆八年修知縣李夢雷

古蹟有遂國等城沿紀要之誤又有鑄

國城地邱城莧裴城皆不在縣境 春城卽古春城郡繆  
古城在縣南十五里魯大夫采邑按上文已有寧陽城  
此似別一城縣南並無此城蓋卽寧陽城而俗傳誤者

### 鄒縣

周邾國又釋邑邾徙都之其故都入魯爲鄆邑又漆邑閭邱邑  
皆入魯又魯平陽邑昌衍邑

卽昌平也據史記孔子世家昌平是鄉名非邑然未詳是否古制姑

書邑備考戰國邾稱鄒

春秋隱公元年公及邾儀父盟於茂杜注邾今魯國鄒縣也  
又文公十一年左傳邾文公卜遷於釋杜注釋邾邑魯國鄒  
縣句北有鄒山按鄒山卽釋山在今縣南二十里文公時邾



始遷此隱元年猶在故都不得亦注今魯國鄒縣也而邾故都究在何所古無明文余謂魯鄆邑卽邾故都邾遷後始入

於魯也襄十年左傳邾人紇挾之以出門者杜注邾邑魯縣

東南莒城是也魏志鄒有叔梁紇城寰宇記古邾城在曲阜

東南

今本說作東北

四十里括地志故鄒城在泗水縣西南

或說東南

六

十里紀要謂寰宇記之古邾城卽莒城最當水經注故邾婁

之國曹姓也叔梁紇之邑也其明證已但道元亦以鄒縣當

之與樂史稱邾城爲邾人築以備魯者則甚誤此城本屬曲

阜宋鄒縣省入仙源後又析置遂入鄒縣其故址無存當在

縣東北接曲阜境處 齊乘按六書邾鄒同聲之轉也春秋

時邾用夷謂之邾婁婁合閤音爲邾合婁音爲鄒余謂邾婁合讀卽爲鄒莖亦鄒字音轉邾國鄒邑皆可通稱耶鄒甌駟皆通用之字也 寰宇記鄒縣故鄒城叔梁紇之邑漢爲縣

不知卽曲阜之古邾城此沿水經注之誤又以爲漢南平陽

縣尤繆 齊乘古邾城鄒縣南至邾文公乃遷於繹此城蓋

其始封之邑又云鄒城嶧山南二里邾遷於繹考證云鄒城

卽邾城于氏誤分爲二按于氏不知在縣南者卽繹考證謂

與古邾城誤分爲二固是然此外實別有邾始封之城于氏

及考證皆不知卽魯鄒邑耳通志以南平陽爲邾故國又沿

寰宇記之誤 宣公十年公孫歸父伐邾取繹正義以爲別有繹邑蓋近繹山而同名者若小邾之句繹亦其

類此釋公羊作  
蘇當別一邑矣

又襄公二十一年邾庶其以漆閭邱來奔杜注二邑在高平  
南平陽縣東北有漆鄉西北有顯閭亭水經注泗水南過平  
陽縣西南逕故城西謂之漆鄉杜預云云今見有故城在西  
南方二里所未詳也又洙水西南逕南平陽之顯閭亭西邾  
邑也杜預云云十三州記曰山陽南平陽縣又有閭邱鄉從  
征記曰杜謂顯閭邱也今按漆鄉在縣東北漆鄉東北十里  
有閭邱鄉顯閭非也以上皆從征記然則顯閭自是別亭未知孰是  
按漆鄉故城道元指在縣西南則在東北之說似誤閭邱今  
愈不能確指矣

又哀公二十七年左傳越子使后庸來聘盟於平陽杜注南

平陽

今本說西平陽

漢志南平陽下孟康曰邾庶其以漆來奔今漆

城是水經注泗水逕南平陽之故城西謂之漆鄉似魯平陽

卽漆城漢始別置縣城者備考 竹書紀年惠成王二十九

年齊田盼及宋人伐我東鄙圍平陽卽春秋哀十六年衛侯

飲孔惺於平陽之地杜注云在燕縣東北寰宇記稱在韋縣

西二十里水經注與此平陽混爲一

孟子一戰勝齊遂有南陽紀要謂卽平陽考公

羊傳齊祖使高子將南陽之甲立僖公而城魯是南陽自春秋已爲齊邑趙岐注岱山南謂之南陽當在魯北齊南境

春秋僖公二十九年左傳介葛盧來朝舍昌衍之上杜注魯

縣東南有昌平城括地志昌平城在泗水縣南六十里闕里

文獻考昌平山在尼山南五里下有魯源村卽昌平鄉也按

昌平山在縣東北四十里

昭二十二年大蒐  
于昌閒疑卽昌衍

邾戰國曰鄒音之轉耳寰宇記云魯繆公改考其時鄒魯時  
相鬩鬪敵國而非附庸魯安得而改之乎

漢徐州魯國驪縣及魯縣地兗州山陽郡南平陽縣及東平國

任城縣地

後漢志任城有  
桃聚今陶城鋪

驪縣故城在縣東南二十五里俗曰紀王城

紀亦邾  
音轉

劉蒼鄒

山記邾城在山南三里

南平陽縣卽今縣治舊以縣西三十里陶城鋪爲漢南平陽  
縣非也水經注泗水逕其縣西不逕其城西漆城在其西南

瑕邱城在其西北舊誤以瑕邱爲瑕邱縣故不覺其誤若陶城漆城在東南瑕

邱城在東北其非南平陽城明矣後漢書章懷注南平陽城

今兗州鄒縣是也今治卽唐治卽漢南平陽城又明矣通典

鄒縣下云漢舊縣地亦曰南平陽縣寰宇記以鄒縣故城爲南平陽城實由此致誤

蓋其時鄒縣卽南平陽別無南平陽城故云然也陶城者漢

任城縣之桃菟城也後漢光武討龐萌宿任城東北去萌所

圍桃城六十里陶城西南去任城故城今濟寧州之仲家淺里數方向

吻合稱名未改以爲南平陽城可乎章懷注在任城北近是其前注以爲桃鄉縣誤

後漢豫州魯國騶縣又魯縣地兗州山陽郡南平陽縣永平二年益封

東平國未詳何時還屬又任城國任城縣地魏晉因之山陽晉曰高平東晉初兗

州寄治鄒山

元和志晉建武初郝鑿爲兗州刺史寄理鄒山上後爲石勒所逼奔下邳齊乘晉廢南平陽入鄒誤

劉宋兗州魯郡鄒縣及魯縣地高平郡平陽縣元嘉十三年兗

州來治鄒山

自滑臺徙此

旋徙治彭城後魏因之

魏志平陽有平陽城則已非漢舊今陶城地名平陽社有平陽橋平陽店魏志任城下無桃城或平陽徙此歟俟再考

高齊兗州

郡鄒縣周因之

通志稱宋元嘉十三年鄒縣徙今治古無此說蓋誤以兗州治鄒山之年爲鄒徙今治也據章懷注鄒縣卽南平陽之說

知徙治在唐前魏志平陽故城屬平陽又知徙治在後魏後齊省平陽入鄒縣徙治當在此時備考

隋

兗州  
魯郡

鄒縣及曲阜縣地

唐河南道

兗州  
魯郡

鄒縣及曲阜縣地五代因之

宋京東西路襄慶府鄒縣熙寧五年省入仙源爲鎮元豐七年

復

宋志省爲鎮未詳是何鎮  
名復置後縣境與今同矣

金山東西路滕州鄒縣

元都省山東益都路滕州鄒縣

明山東布政司兗州府鄒縣

國朝因之

嶺山東考古錄

卷十八

鄒縣

六

蝟角尖廬



縣志康熙五十四年修

知縣斐一均

沿革漢至後魏皆不載南平陽於

北齊云省鄒入平陽繆 金屬益都談

泗水縣

周魯卞邑郟邑茂邑一名姑蔑又桃邑

春秋僖公十七年夫人姜氏會齊侯於卞杜注今魯國卞縣  
國語云魯有弁費弁卽卞也

又文公七年遂城郟杜注卞縣南有郟城按卽漢郟鄉縣  
又隱公元年公及邾儀父盟於茂杜注卞縣南有姑城

又襄公十七年齊侯伐我北郟圍桃杜注卞縣東南有桃墟

按此地非魯北郟詳寧當是別一桃邑

元和志泗水縣卽春秋之虛朶也寰宇記杜注地闕學者舊傳如此按虛朶之會爲楚伐宋謀救宋故地當近宋是會也孟獻子請先歸會葬縣近在魯郊於情事尤不合今不取考僖元年公敗邾師於偃虛邱之戍將歸者也杜云虛邱邾地縣南有盧城或虛邱故城學者誤作虛朶今虛形訛爲盧歟漢兗州魯國卞縣泰山郡東平陽縣地水經注邾水逕東平陽地而後至卞今發源至入泗皆在縣境徐州東海郡郟縣西境當有魯縣地

卞縣故城在東稍南五十里

郟鄉縣故城在

里水經注泗水逕卞縣南姑蔑

城北水出二邑之間西逕郟城北西南逕魯縣北是郟城在

卞縣西南也後漢志卞有郡鄉城漢縣卽古邑矣今無址或曰卽鄒縣東五十里之香城備考

後漢書光武紀章懷注泗水國今兗州縣通典泗水漢泗水國地考泗水國統凌泗陽于三縣在今江南境與縣毫無干涉

後漢豫州魯國卞縣魏因之

後漢無東平陽魏復置縣境當仍有其地

晉豫州魯郡卞縣及兗州泰山郡新泰縣地

東平陽改

晉亂卞縣廢

晉書慕容蘭屯卞城卽卞城疑縣廢故稱城

劉宋明帝泰始二年復

劉宋卞縣卽今縣治舊唐志泗水隋於古卞城置謂宋城也

後魏兗州魯郡汶陽縣後魏移汶陽來治省卞縣齊周因之

後魏汶陽縣故城在北四里今故縣村魏志汶陽有汶陽城  
知縣非漢汶陽矣通典稱漢汶陽城在泗水東南考漢汶陽  
城在寧陽厯有明據近世耕者於故縣村北半里許得古碑  
有汶陽縣字同年友王紹楨縣人也親見之證以通典知泗水本有汶陽城  
既非漢城則爲後魏縣無疑杜氏知縣境有古汶陽城而不  
知爲後魏縣城又似誤以漢之卞城當之故云在東南耳

隋

兖州魯郡

泗水縣開皇初省汶陽入魯縣

又改魯縣爲汶陽

十六年又析

汶陽於劉宋卞城置

是年汶陽改曲阜

竇宇記隋析汶陽置泗水縣舊說以爲析漢汶陽不知置縣  
時汶陽卽今曲阜也

唐河南道兗州魯郡泗水縣貞觀元年省曲阜入之八年復析置五

代因之

宋京東西路襄慶府泗水縣

金山東西路兗州泗水縣

元都省山東濟寧路兗州泗水縣至元二年省入曲阜三年復  
魏志汝陽有新甫山通考泗水有新甫山蓋其故境有今新泰  
西半並及泰安東南境徂徠山以南皆泗水地元析新泰置蒙  
陰新甫山一帶入新泰當在此時徂徠山  
一帶疑於縣省入曲阜時析入奉符也

明山東布政司兗州府泗水縣

國朝因之

縣志

明萬曆二十年修  
國朝順治辛丑年續

知縣

尤應魯  
劉桓

沿革表脫晉代

隋泗水注云益以汶陽地汶陽原係縣名自隋併入於泗  
後不復見按縣劉宋迄隋沿革本難稽考然何至有隋併  
汶陽入泗之謬耶 古蹟梁父城在北四里今故縣村按  
梁父城在縣北八十里今在泰安境厯有明據詳泰安雖不  
知爲後魏汶陽城又何至以爲梁父城耶

康熙壬寅  
年又續

續山東考古錄卷之十九

滄州葉圭綬子佩甫述

兗州府下

滕縣

夏薛國一名邳厯商周後入於齊曰舒州

一作徐州周滕國郟

國後改小邾又邾濫邑狐台邑又魯郎邑

春秋隱公十一年滕侯薛侯來朝杜注薛魯國薛縣又定公

元年傳薛宰曰薛之皇祖奚仲居薛以爲夏車正奚仲遷於

邳仲虺居薛爲湯左相與漢志薛縣下夏車正奚仲所國後

遷於邳湯相仲虺居之二說不同水經注潯水自薛城北又

西遷仲虺城北應劭曰邳在薛楚元王子郢以呂后元年封

上邳侯也有下故此爲上矣晉書地道記曰仲虺城在薛城

西三十里今縣西南五十里漵故渠南有驩城

近志附會王驩所居東

去薛城里數相符卽仲虺城

或以驩縣南小灰城爲仲虺城不合驩虺音轉耳

左傳云商有邳姁是商時名邳不名薛此城又有仲虺之名

竹書紀年惠成王三十一年邳遷於薛

杜預稱奚仲遷下邳史記索隱引紀年作

下邳遷於薛似皆誤紀要引晉志云奚仲遷於邳謂之邳或仲

上邳引此云邳遷於薛謂之下邳豈薛卽下邳耶尤誤 虺居邳國自名薛故薛宰云然數應劭正引此語或本作仲

虺居之傳寫者說作仲虺居薛歟

如後說是春秋之薛仍在邳戰國時齊滅薛封田氏

始遷居薛城矣證 紀年沈約注此條云改名徐州考春秋哀

以紀年後說近是



十四年續經齊陳恒執其君寘於舒州史記齊太公世家作

徐州是春秋末已名舒州非始六國時也又紀年惠成王後

十年齊城薛

卽孟子所謂齊人將築薛者

十三年封田嬰於薛

括地志薛城在薛河

北周二十八里齊田文封薛改築按封薛是嬰非文

史記齊襄王立孟嘗君中立爲諸

侯無所屬襄王與連和是田氏復封後儼與齊爲敵國矣又

魯世家頃公十年楚伐我取徐州索隱曰徐音舒齊邑薛縣

是也是薛又入魯又入楚矣豈田氏已亡耶

滕國故城在西南十四里春秋隱公七年滕侯來朝杜注滕

國在沛國公邱縣東南竹書紀年晉烈公二年於粵滅滕

按漢志云齊滅據孟子戰國策以爲宋滅是也路史滕國

黃帝第十一子所封 後漢志公邱本膠國滕字訛也

郟國故城在東 里春秋莊公五年左傳郟黎來來朝杜

注東海昌慮縣東北有郟城齊乘謂卽承縣小灰城縣志城

東六里有倪城

府志作一里

皆與杜注不合俟考

春秋昭公三十一年邾黑肱以濫來奔杜注東海昌慮縣後漢志劉昭注以爲縣所治城

狐台邑在東南二十里春秋襄公四年左傳臧紇救郟侵邾敗於狐台杜注蕃縣東南有目台亭按縣東南二十里有狐台山

郟邑在西南五十二里春秋隱公元年左傳費伯帥師城郟

杜注高平方與縣東南有郁郎亭括地志郎亭在滕縣西南  
五十二里按縣之西南卽方與東南今縣西境有郁郎村後  
漢志高平下劉昭注隱九年費伯城郎考隱九年經書城郎  
無費伯字又引杜預云云誤以高平字爲縣名矣又莊公十  
一年齊師宋師次於郎公子偃曰宋師不整可敗也自雩門  
竊出大敗乘師於乘邱按在魯城內已望見宋師乘邱又近  
魯城疑此郎或別是近魯地否則齊宋師自郎復進歟 漢  
書王子侯表郁狼侯驕魯共王子史記作郁根卽此邑

縣南有孟嘗集或以爲卽詩所謂居常與許者

嶧縣西有縣地名南常

東四十里有靈邱城舊以爲蜚鼃所辭縣西三十里有休城

舊以爲孟子所居元和志謂合鄉卽互鄉附存備考

秦泗水郡滕縣

漢高祖破秦泗水郡守於薛縣然則薛爲泗水郡治也薛郡則治魯

滕縣故城在西南十五里俗曰雍城元和志滕縣公邱故城

在縣西南十五里夏侯嬰初爲滕令故號滕公按

原按此時高

祖未立屬縣故滕爲秦縣按今縣西雍城近志以爲無考卽

此城也

漢徐州魯國蕃縣薛縣東海郡合鄉縣昌慮縣及南城縣地

論衡

南城之冢會子祖父葬處也今名會子山在縣境

又豫州沛郡公邱縣武帝改滕縣爲

公邱

據元和志又廣戚縣又兗州山陽郡湖陵縣

莽曰湖陸

及方與縣地

蕃縣故城在城西今治其東偏也漢志蕃下應劭注邾國也

晉志作  
小邾

音皮師古曰白裒云陳蕃之子爲魯相國人爲諱改

曰皮此說非也郡縣之名土俗各有別稱不必皆因本字通鑑胡注皮字乃反字傳寫之訛杜佑通典蕃音反按一說蕃同番皮蒲何反與胡氏說皆可從

嶧縣故城在南四十里通典云在縣東微東耳

合鄉縣故城在東二十三里今訛梁城

一稱城頭

元和志滕縣合

鄉故城在縣東二十三里寰宇記又稱在沛縣近志係嶧縣皆非是

因學紀聞王無咎曰鹿邑之外有五鄉城前代因立互鄉縣按互鄉似魯地合鄉外古未有互鄉名縣者

昌慮縣故城在東南五十九里

廣戚縣故城在南五十里舊以此城爲東海戚縣非也通鑑

秦二世元年十一月沛公引兵之解泗水守

秦漢初郡官稱守景帝始改稱

太壯兵敗於解走至戚沛公左司馬得殺之胡注班志戚縣

屬東海郡括地志沂州臨沂縣有戚縣故城余以地理考之

沛郡之與東海相去頗遠壯兵敗而走未必能至東海之戚

班志沛郡有廣戚縣章懷太子注曰廣戚故城在今徐州沛

縣東恐是走廣戚之戚也按以戚爲東海縣本漢紀小顏注

臨沂去沛郡亦不甚遠壯所走客或是戚而此城爲沛之廣

戚則無可疑水經注泗水南逕小沛縣南又東南逕廣戚縣

故城南一統志廣戚故城在江南沛縣東北四十里此城西

南至沛縣吻合其數况戚縣在臨沂則此爲廣戚更不待辨

也 曹參嘗爲戚令故稱戚公或此縣秦本名戚歟

湖陵縣故城在西南七十五里

縣舊係魚臺其故城兩縣各得其半沛縣亦有其地乾隆

間魚臺徙今治湖陵故地大約盡割隸滕沛魚臺新志因此凡湖陵山川人物槩不列入見其例言今故係此

後漢豫州魯國蕃縣薛縣浦國公邱縣徐州彭城國廣戚縣東

海郡昌慮縣合城縣

合鄉改

兗州泰山郡南城縣地山陽郡湖陸

縣中興仍名湖陵章帝復改湖陸

永平二年益封東平未詳何時復故

又方與縣

地建安三年於昌慮置昌慮郡十一年郡廢魏因之

晉豫州魯郡蕃縣薛縣公邱縣徐州彭城國廣戚縣東海郡昌

慮縣合鄉縣兗州高平國

山陽郡改

湖陸縣及方與縣地泰山郡南

武城縣地元康中蕃縣薛縣益彭城國

見晉書彭城王傳及劉宋志

十年合

鄉昌慮屬蘭陵郡東晉太元四年兗州治湖陸

毛盛爲刺史鎮此

劉宋徐州彭城郡蕃縣薛縣蘭陵郡合鄉縣昌慮縣及留縣地

宋省廣成縣入之

兗州魯郡陽平縣大明中置泰山郡南城縣地高平

郡高平縣地

魏志高平有湖陸城宋無湖陸已入高平

方與縣地

劉宋陽平縣故城當在縣西南魏志魯郡陽平有滕城縣西

五十里有煬城

俗傳隋煬帝駐蹕處

疑是也又縣西十二里近滕城有

鞋城

以形似名附存備考

後魏徐州彭城郡薛縣蕃郡治蕃縣孝昌三年置郡元象二年

併彭城武定五年復又永興縣永福縣皇興初置屬建昌郡太

和中屬彭城郡

魏志永興下在太和十五年永福下在十九年

武定五年屬又彭城留



縣地蘭陵郡昌慮縣合鄉縣兖州魯郡陽平縣高平郡高平縣  
地方與縣地北徐州東泰山郡南城縣地

魏志薛有薛城未詳所徙治又蕃有蕃城後魏迄今未再徙  
治當是於東偏築今治所有卽西偏故址

永興縣故城在東南七十里今臨城驛其地曰永興社其旁  
有永興村

永福縣故城未詳縣志縣東南茱萸山下有故縣城備考

高齊徐州彭城郡蕃縣及沛郡沛縣地北徐州周沂州郡南

武陽縣地南城入之周因之

寰宇記有後魏以後費縣移治薛固城之說縣東五十里薛

山下僻水南有固城卽僻固城周還治陽口則齊治此矣但

其前說並無此徙

詳費縣

未敢遷從

梁天監五年桓和擊魏兗州拔固城通鑑胡注云卽

抱犢固考是時蕭及屯固城桓和屯孤山魏樊魯破和於孤山元恒拔固城魏志昌慮有孤山與僻固城相近當卽此固城南齊時徐州民保五固兗州恒磊據抱犢固滕費之間無考古城甚多固以五稱似不止一城也抱犢固卽無遺址

隋

徐州

滕縣開皇十六年改蕃縣爲滕縣又沛縣地

沂州琅邪郡

顛臾縣地

南武陽改

齊乘隋以其爲滕舊都故改蕃爲滕縣按蕃非滕都

且並非滕地

唐河南道

徐州彭城郡

滕縣及沛縣地

沂州琅邪郡

費縣地

顛臾入之寰宇記九域志

賁縣並有滌水今賁境無滌水割隸未詳何時據括地志卽屬滕縣是隋唐時縣之西北境約與今同矣隋志抱犢山在蘭陵而九域志則在滕縣今山在賁除嶧三縣界疑隋代已如是已

舊唐志滕古滕國隋置縣按縣治既非滕都縣境詎止滕地

據此竟似隋始於滕故城置縣者元和志滕縣本古滕國漢

蕃縣按以縣治言則非滕國以縣境言不止蕃縣寰宇記以

爲漢蕃昌慮二縣通考以爲滕小邾二國皆失挂漏齊乘云

漢晉蕃鄒二縣地愈不合

縣境當戰國時並不能全屬齊不  
數明有薛國在內何以入齊乘耶

宋京東西路

徐州  
彭城郡

滕縣置滕陽軍又沛縣地

沂州  
琅邪郡

費縣地

金山東西路滕州治滕縣大定二十三年升滕陽軍爲州二十

四年除陽字爲滕州

金志滕縣舊名滕陽大定二十四年更誤以軍名爲縣名

元都省山東益都路滕州治滕縣

續山東考古錄

卷十九

膠州

七 蝸角尖廬

明山東布政司兗州府滕縣洪武二年廢滕州縣屬濟寧府十八年來屬

國朝因之

縣志

康熙五十五年修  
知縣黃浚

沿革六國時齊於小邾東置靈邱

眞想當然者

魏武三年置昌慮郡誤建安作魏武

古蹟  
又訛

郡作

劉宋省戚入蕃繆

後魏蕃城縣多城字

隋升滕

郡繆

金大定二十四年更置滕縣此因金志致誤

古

蹟不知仲虺城所在反駁齊乘

隱公四年狩於郎按狩

郎在桓四年

嶧縣

周偃陽國

東境爲郟國地北境西境爲邾魯薛諸國地

後入宋又入楚

春秋哀公十年會於祖遂滅偃陽杜注今彭城傅陽縣寰宇

記楚宣王改偃陽爲傅陽拔公羊卽作傅陽

漢徐州東海郡承縣陰平縣建陽縣新陽縣又繪縣地

故城在東八十里

里今屬蘭山

下邳縣地

後漢志下邳有葛嶧山今縣南二十五里天柱山也

蘭陵縣地

故城在東六十

里今屬蘭山

又楚國傅陽縣

承縣故城在西北一里

陰平縣故城在西南三十里今陰平集後漢書袁安傳章懷

注稱在承縣西南寰宇記稱在沭陽縣西北六十里

建陽縣故城在西徼北四十五里

詳下

俗曰建陵城

新陽縣故城在西北四十里今安陽城後漢書劉永傳帝破

龐萌於桃城

詳鄒縣

萌蘇茂佼彊奔董憲與劉紆屯昌慮自將

銳卒拒新陽帝先遣吳漢擊破之憲走還昌慮憲恐乃招誘

五校餘賊屯建陽去昌慮三十里章懷注建陽城在沂州承

縣北又云帝至蕃去憲所百餘里按縣西建陵城去蕃城正

百餘里紀要以爲建陽之說最當建陵城括地志亦稱在承

縣界據水經注洙水逕其東在厚邱之後不能在縣西也新

陽城當在建陽北卽安陽城無疑惟建陽旣去蕃百餘里則

去昌慮斷不止三十里三疑五字說也

傅陽縣故城在南五十里

後漢徐州東海郡承縣陰平縣彭城國傅陽縣琅邪國繪縣地  
下邳國下邳縣地魏陰平未詳省否

晉徐州東海郡承縣彭城國傅陽縣琅邪國繪縣地下邳國下  
邳縣地元康元年分東海於承縣置蘭陵郡後趙石虎改武興  
郡南燕慕容德并州治陰平城

劉宋徐州蘭陵郡治承縣又兗州魯郡新陽縣大明中復後魏  
廢蘭陵郡武定五年復郡治故承城高齊省新陽縣周因之

魏承縣卽今縣治魏志承有承城而郡下云治承城蓋郡治  
故城縣治別徙縣境別無承城卽徙今治無疑

隋徐州彭城郡蘭陵縣開皇三年廢蘭陵郡十六年於承縣置邳州

又析置蘭陵縣大業二年州廢省郿城蘭陵入承縣尋改承爲  
蘭陵來屬

隋郿州城卽今治東北有遺址蓋罷蘭陵郡而古承城廢後  
置州於後魏承縣也

隋蘭陵縣故城在東四十里今蘭陵店

此廢蘭陵城

隋志蘭陵下舊曰承置蘭陵郡開皇初郡廢十六年分置郿  
州及蘭陵縣大業初州廢又併蘭陵郿城二縣入焉尋改承  
爲蘭陵按分承置郿州字當是城字州不可云分承置也  
此句上脫載置州之文 元和志承縣漢屬東海郡開皇三  
年罷郡似隋罷東海郡矣脫載晉置蘭陵郡於前又失載隋



置鄆州 寰宇記大業二年省鄆州及承縣仍移蘭陵縣於  
廢鄆州城中按此似是而實非大業初第廢鄆州未廢承縣  
蘭陵與鄆城省入承非承與鄆城省入蘭陵改承爲蘭陵非  
移蘭陵治承城其故鄆城下云大業初省入蘭陵按是二縣  
同時省入承非鄆城省入蘭陵

唐河南道

沂州

承縣

古皆作承舊唐志變作承新唐志又省作承

武德四年於蘭

陵縣復置鄆州改蘭陵爲承縣復置蘭陵縣貞觀元年州廢省

蘭陵鄆城

武德四年復見蘭山縣

二縣入承來屬五代因之

宋京東東路

沂州

承縣

隋唐宋縣境有今蘭山西境

齊乘古承縣城嶧州城西北小城晉已後蘭陵郡或理今州

城或理鄆城此城自爲承縣宋始移焉考晉宋後魏蘭陵郡皆治古承城地形志寰宇記有明據元嶧州城卽隋鄆州城鄆城卽漢繪縣郡治從未治此兩城隋蘭陵縣已在廢州城實後魏承縣治並非宋始移入其郡邑篇嶧州條云唐仍理鄆州城宋移理今縣考唐宋承縣皆仍隋舊如謂宋縣元州非隋鄆州寰宇記稱古承城在西北一里于氏亦稱是州城西北小城則宋元治所仍隋唐舊治明矣其古鄆城條云嶧州東八十里亦可證元州治卽隋鄆州治隋初鄆州理承縣城大業二年移蘭陵郡治此唐置鄆州理此城考唐鄆州固未嘗治鄆城隋大業二年蘭陵郡廢已久那有徙郡治鄆城事蓋于氏誤

以鄆城縣爲隋郡唐州治故一則云宋始移焉一則云宋移理今縣夫既云此城自爲承縣則所稱宋始移者自是州郡治宋無鄆州又無蘭陵郡移治何所指耶縱使不誤書於嶧州條可也又書於古承城是又將古今兩城混爲一矣

金山東西路邳州蘭陵縣明昌六年改承爲蘭陵

金志貞祐四年三月徙治土婁村今縣南八里有土婁河

元都省山東益都路嶧州初於蘭陵縣置嶧州至元二年廢縣其地直隸於州

元復遷今治金徙治後史無遷治明文觀齊乘嶧州古蹟山川皆與今同則元初已遷故治考證謂元當仍金治非也

明山東布政司兗州府嶧縣洪武二年降嶧州爲縣屬濟寧府  
十八年來屬

國朝因之

縣志

乾隆二十六年修  
知縣白忠璉

沿革金復改蘭陵縣置嶧州明昌

初改縣興定中置州本元志金志無 古蹟舊土城在漢

承縣之南城臨永水相傳爲隋鄆州城又疑爲金徙之土

婁村按此因史無遷今治明文而有此疑 安陽城相傳

爲春秋戎州已氏之邑誤

詳曹州

嶧州舊城卽今治相傳

楚將鍾離昧所築路史沂之承有鍾離城按鍾離城在江

南海州路史齊乘並誤

詳蘭山

此又以爲今治反與隋鄆州

城分爲二繆極

汶上縣

古厥國周魯中都邑闕邑厥入齊戰國爲平陸邑

漢志東平陸下應劭注古厥國 孟子孟子之平陸

中都邑故城在西三十九里又名致密城一作殷密史記孔子世

家定公以孔子爲中都宰

闕邑故城在西南南旺湖中春秋桓公十一年會於闕杜注

須昌縣東南有闕城按後漢志東平陸下有闕亭壽張下劉

昭注地道記曰有重尤祠皇覽曰重尤冢在縣闕城中按三

說不同蓋在三縣接界處也然須昌故城在今東平州西北

十五里闕城不在其東南疑是西南之訛否則東字衍

魏志壽張有高陽城在縣西北三十里今日陽城宋哲元嘉八年檀道濟抵壽張轉戰至高梁亭紀要謂高陽卽高梁之訛最當考春秋僖公九年齊侯桓公以諸侯之師伐晉至高梁而還杜注晉地在平陽西南按平陽西南已深入晉境此傳正應宰孔西則否矣之語似卽至此高梁也備考

漢兖州東平國東平陸縣泰山郡桃鄉縣及東郡壽良縣地見

須昌縣地

後漢志須昌有致密城

東平陸縣故城當在縣北汶水南或曰卽今治舊唐志漢平

陸縣本置殷密城質以水經注汶水所經其繆顯然詳水考

桃鄉縣故城在東北五十里王莽曰鄣亭魏志無鹽有南章城卽此今桃城村

後漢志東平陸有堂陽聚劉昭注故縣後省考漢志兗州無此縣或曰卽泰山郡富陽之訛而王子侯表有富陽侯萌東

平思王子似無志表皆訛之理水經注疑春亭爲堂陽亭詳寧

陽固非亦可證非漢縣名也漢鉅鹿郡有堂陽縣疑昭有誤

後漢兗州東平國東平陸縣及無鹽縣地桃鄉須昌縣地壽張

縣地魏晉因之

後漢志無鹽有章城其時章縣未省則桃鄉城也劉昭注引左傳齊人降鄆於其下繆矣

劉宋兗州僑陽平郡治平陸故城又平原縣及館陶縣地

魏志東陽

平館陶有唐陽城卽堂陽亭

又樂平縣寄治下平陸又東平郡平陸縣地縣

寄治郡城又壽張縣地

高陽城隸濟州壽張見魏志

後魏陽平郡加東字

魏志東陽平郡本東平地劉駿置治平陸城按平陸縣朱寄

治郡城其徙治中都未詳何時宋志樂平寄治下平陸當卽

中都城詳下

劉宋陽平郡平原縣故城在西南三十里今平原社魏志東

陽平郡平原下有苦城卽縣北胡城有鉅野澤今南旺諸湖

是汶水入茂都澱西出逕中都城南名巨野溝可證

詳水道考

高齊兗州 郡樂平縣并平陸於樂平徙平原於今寧陽周



因之

隋志平陸後齊曰樂平按宋魏東陽平郡樂平縣本治下平陸隋改平陸至唐開元時猶治中都城是宋下平陸卽中都城紀要稱平陸晉末徙治中都似誤元和志齊高帝改平

陸爲樂平按高齊無高帝如高祖改則仍後魏時矣當是高齊字倒衍帝字齊并寄治之平陸於樂平非改平陸爲樂平

隋兖州魯郡平陸縣開皇十六年改樂平仍名平陸

唐河南道鄆州東平郡中都縣初屬兖州天寶元年改平陸爲中都

貞元十四年來屬復屬兖州尋還屬元和志天寶元年屬鄆州與唐志不符今從唐志與

袁字五代因之

續山東考古錄

卷十九

汶上縣

古 蝟角尖廬

中都縣卽今治舊唐志殷密城在今治西三十九里天寶元年改爲中都移於今治

宋京東西路東平府東平郡中都縣

金山東西路東平府汶上縣貞元元年改中都曰汶陽太和八年又改

元都省山東東平路汶上縣

明山東布政司兗州府東平州汶上縣

國朝山東布政司兗州府汶上縣初因明舊乾隆四十一年屬濟寧直隸州四十五年還屬

縣志

明萬曆戊申年修

知縣

梁可仕

沿革誤以平陸無

國朝康熙

年績

聞元

吳

鹽兩縣爲厥國 春秋爲中都戰國入齊爲平陸按誤混  
兩地爲一 東平陸東漢併入須昌晉因之按二代皆有  
此縣 脫元代 古蹟有郟國城陽關城皆因金改汝陽  
而附會者 不知桃鄉有南章之名反以水經注爲誤殊  
失考

陽穀縣

周齊柯邑一曰東阿一曰阿邑

春秋莊公十三年公會齊侯盟於柯杜注今濟北東阿縣齊  
之阿邑猶祝柯今爲祝阿水經注以爲衛邑說苑晏子任東  
阿則齊邑矣杜氏猶祝阿云云見柯阿二字可通用耳元和

志引之截去今爲祝阿四字文義遂不明了而寰宇記續通  
典通鑑胡注皆以祝阿爲東阿可怪已 史記田敬仲世家  
威王召阿大夫而語之新序齊君使尹子奇治阿 春秋襄  
十四年孫林父敗衛侯於阿澤杜注東阿縣西南有大澤水  
經注河水自范縣倉亭津又厯柯澤逕東阿縣故城西是春  
秋時柯已作阿

紀要縣有薛陵城在西南史記齊威王七年衛伐我取薛陵  
威王語阿大夫衛取薛陵而子不知薛陵自近阿邑然烏知  
確在縣境乎

漢兗州東郡東阿縣及范縣地

水經注引述征記倉亭津在范縣界東北去東阿六十里以今

里計當得五十里而近今治去東阿故城五十里須昌縣地元和志陽里黃河故道在縣西北倉亭津在境內無疑須昌縣地元和志陽穀縣漢須昌縣地按後漢志須昌有陽穀亭今在東平北東阿南故志又云取東阿縣界陽穀亭為名隋置陽穀縣約得漢東阿地十之六七其東南或有須昌地耳志因陽穀亭在須昌致誤舊唐志又談謂取縣界陽穀亭為名寰宇記更誤稱陽穀亦有須昌城後漢因之魏太和三年為東阿縣王國六年復故王植徙封陳

東阿縣故城在東五十里今阿城鎮西二里齊乘雨漢有阿

陽縣無東阿縣繆何至此 水經注東阿魏曹雄侯國按三

國志曹植自雍邱徙封東阿王

黃初五年諸王皆以縣為國太和六年復以郡此誤

晉兖州濟北國東阿縣及東平國范縣地須昌縣地太康後廢

東阿後燕慕容垂兖州治

後燕錄慕容楷刺兖州鎮東阿

宋初復又廢

元和志東阿晉太康後廢按宋志云晉無永初有而晉志實

有東阿史蓋據太康前也

後魏東阿縣地魏復置東阿於故城東二十里

屬今東阿

齊周因之

隋濟

北郡

陽穀縣開皇十六年置

西北當有武水縣地其故城今沙鎮在縣與聊城分界處

陽穀縣故城在東北三十里俗曰水沒城元和志陽穀縣古

伏城在縣東南二里

通志稱在今縣東南二里誤寰宇記錯簡須城縣

今治東北三

十里有宓城集卽伏城西北有古城縣志謂之水沒城云在

疊路橋西牆隅僅存以爲無考考寰宇記陽穀縣開寶六年

河水衝破縣城則水沒城非隋縣城而何紀要稱在縣北五

十里又歷引春秋會盟陽穀事且云皆此地失考甚矣

唐河南道

鄆州東平郡

陽穀縣初屬濟

陽州

天寶十三載來屬五代

因之

唐博州河南地皆割入  
鄆州無武水縣地矣

宋京東西路東平府東平郡陽穀縣

宋陽穀縣卽今治宋志陽穀縣景德三年徙孟店

通考

寰宇

記則稱太平興國四年徙上巡鎮舊說孟店卽上巡鎮但年

地皆不同烏知非兩徙耶

寰宇記既載徙治事古蹟河道仍  
用元和志里數甚不合惟至州里

數差五里未必卽據新治九城志  
作州西北一百二十里則今治矣

俟再考河水環城倉卒他  
徙未遑擇地後方

度地築城  
未可知也

九城志陽穀有碣礮津蓋盧縣廢析入縣也今

未詳仍在縣境否故於漢不書有在平地於隋唐不書有盧

縣地

金山東西路東平府陽穀縣

元都省山東東平路陽穀縣

明山東布政司兗州府東平州陽穀縣

國朝山東布政司兗州府陽穀縣

縣志

康熙五十五年修  
知縣王時來

壽張縣

夏顧國周晉范邑戰國入齊又 顧邑

詩韋顧既伐元和志范縣顧城在縣東二十八里夏之顧國

也按唐范縣在縣西南二十里

今屬范縣

顧城在縣南境明矣近

志稱在今范縣南五十里大繆 春秋哀公二十一年公會

齊侯於顧先至陽穀卽古顧國矣但未詳時屬何國

疑亦齊地



春秋宣公十七年左傳范武子請老杜注初受隨故曰隨武子後更受范復爲范武子不言范邑所在孟子孟子自范至齊趙岐注范齊邑王庶子所封食也元和志范縣晉大夫士會之邑古無此說考漢范縣接壤皆齊魯衛之地與晉土絕不相接不能無疑四書釋地並用兩說以爲春秋晉而戰國

齊也姑從侯再考

文公十一年晉有范無榷則晉有范氏亦不始於武子

漢兖州東郡范縣

漢書景祐本范作范

及壽良縣地

安民亭爲壽張西境梁山亦古壽張地皆

在東平州西南縣之東南而後魏濟州壽張故城仍在漢壽張境內則縣有漢壽良地

范縣故城在東南二十里今范城橋

俗又名范王城

舊以今范縣東

南范縣故城爲漢治非是彼乃魯秦邑

與水考瓠河故道參看便明

通志

壽張古蹟有范城是也而仍以彼爲漢治何耶

紀要壽張有張城以爲漢封毛釋之

史記表作毛澤

爲張侯考漢廣

平國有張縣寰宇記云一名渚陽城又史記周勃傳襲取臨

濟攻張

漢書作攻壽張誤

後漢始改壽良爲壽張則張城安得在壽

良乎

後漢兖州東郡范縣及東平國壽張縣地魏范縣未詳所屬

晉兖州東平國范縣及壽張縣地劉宋因之范縣寄治郡下

後魏濟州東平郡壽張縣兖州東平郡范縣

後魏濟州壽張縣故城在東南五十里後魏分壽張爲兩壽

張縣一卽此城一仍漢治屬兖州東平郡

後魏分范縣爲兩范縣一仍漢治一治秦城屬濟州東平郡

高齊州郡壽張縣周因之

齊省兗州壽張入須昌存屬濟州者未詳屬何州郡兩范縣

亦齊省

隋濟

州北郡

壽張縣及范縣地

隋復置范縣卽治秦城者

元和志開皇十六年壽張縣屬鄆州隋志不載

唐河南道

鄆州東平郡

壽張縣武德四年析置壽良縣並置壽州五

年州廢省壽良入壽張來屬又濮州范縣地五代因之

壽良縣故城在東南六十五里元和志壽州故城在壽張東

南十五里隋末百姓築爲堡武德四年於此置壽州按漏載

置壽良縣 通志壽州城引寰宇記隋末百姓云云又書隋末築堡於壽張故城條誤

宋京東西路東平府東平郡壽張縣及濮州范縣地

金山東西路東平府壽張縣及大名路濮州范縣地

大定七年河水壞城徙治竹口鎮在今縣西十里十九年遷故治九域志壽張有竹口鎮

元都省山東東平路壽張縣及直隸都省山東濮州范縣地

明山東布政司兗州府東平州壽張縣洪武三年省入陽穀須城十三年復屬濟寧府後屬

明壽張縣卽今治明志壽張下洪武十三年復置又云洪武

十二年徙王陵店蓋十二年築城十三年復縣也

國朝山東布政司兗州府壽張縣

縣志

兗州府補遺

滋陽縣

子路宿石門四書釋地據寰宇記謂是魯城門抵城而門已闔  
只得宿於外郭門又考水經注洙水過瑕邱城東又西南逕石  
門約在今滋陽境內東去曲阜數十里或自魯他適宿此舉孔  
氏自魯可知儻從外返魯似當稱地以答不啻作云孔氏

漢書杜周傳杜欽說王鳳有云仲山父異姓之臣無親於宣就  
封於齊蓋本韓詩外傳以徂齊爲就封無論齊樊異國與本詩

城齊亦不合矣雖然申伯作庸而因謝韓侯完城而用燕

此韓在今

順天府固安縣俗訛韓侯爲寒號  
城舊注謂卽今韓城縣者非是

皆鄰接之地命樊城齊近齊

可知樊如在周畿內無因有此誤說也春秋僖二十五年王賜  
晉陽樊服虔曰陽樊仲山父所居故名陽樊山河兩戒考謂平  
王東遷樊仲之孫食采於陽非故樊國竹書宣王十七年王命  
樊侯仲山甫城齊東平樊縣近齊樊故國當在是余初因兩漢  
志樊縣下皆不言本國周畿內又確有樊邑故未敢以此爲國  
觀杜欽語及兩戒考說復筆此以備考兩戒考又引地理志曰  
樊縣古樊國仲山甫所

封未詳是  
何地志

曲阜縣

山河兩戒考漢書律歷志成王元年命伯禽於魯之歲紀年成  
王二年奄人徐人及淮夷入於邾以阡四年王師伐淮夷遂入

奄五年王在奄遷其君於蒲姑封魯在五年之前則奄不得在魯城內按費誓王伐淮夷魯侯已率師以從此說致爲有理紀年考證殷商地圖奄在今莒州北境諸城西北境未詳所據

寧陽縣

路史龔邱縣治故蛇邱甚誤

鄒縣

春秋昭二十二年大蒐於昌閒公羊作昌茲 漢魯相史晨後碑於昌平亭下立會市是昌平在漢爲亭名也 路史以問邱顯間爲一地又云間邱本屬莒後屬邾鄒縣境內不得有莒地城冢記紀王城紀所遷按鄒之紀王城乃邾字轉音耳紀未



嘗遷此

晉書外戚褚裒傳魯郡山有五百餘家建義請援山字上當有邾字

宋史曾孝寬傳知鄆州鄆有孟子廟孝寬請於朝得封邾國公配享孔子按孟廟在邾邾屬兗不屬鄆蓋宋鄆刺或兼京東西路安撫使兗亦所統屬故孝寬上請也傳語殊不合

滕縣

春秋桓十七年及齊師戰於奚穀梁作戰於邳 路史滕古膠

高國謬甚

互詳前

又兒國曹姓從齊勤王爲小邾子又別出小

邾國以爲兒之所分卽滕縣又疑爲曲阜之古邾城又以菴縣

爲剋國又以任城之邾婁爲邾改國牽混矛盾極矣 又滕本  
徐屬縣後遷公邱而地爲小邾故克之龔邱有古滕城按滕國  
故城本在公邱縣非後所遷公邱本是滕地非小邾克之龔邱  
縣卽今寧陽並無滕城此將古滕城今滕縣漢公邱縣隋龔邱  
縣皆混爲一 史記正義滕卽龔邱故城是按滕國與公邱非  
一城兩漢志皆作公邱此似混入龔邱晉書載記龔邱亦作公  
邱二字古或通用

魏書揚播傳蕃郡人續靈珍受衍

梁武帝名

平北將軍蕃郡刺史按

蕃郡非州不得有刺史或以寵新附姑假斯號歟

泗水縣

通志引紀年云湯伐有卞考紀年無此文而路史卞國下有湯代有卞隨之文引殊誤 括地志姑蔑故城在縣東四十五里

汶上縣

路史以闕鄉闕城闕亭爲三地甚誤

隸釋王純碑在鄆州中都縣金石錄云水經濟水逕須句城西注云水西有安民山山西有漢冀州刺史王紛碑漢中平四年立按地理書須胸卽今中都縣此碑在中都又其官與姓氏皆合疑其是也然以純爲紛以延熹爲中平則疑水經注之誤綬按中都今汶上須句今東平安民山西漢須昌縣地隋唐以來壽張縣地與中都無涉似非一碑也

唐書宗室傳齊物天寶初擢累陝州刺史開砥柱通漕路發重石下得古鐵戟若鏃然銘曰平陸上之詔因以名縣按鄆州平陸縣改名中都以與彼同名故也

寰宇記中都縣五代周廣順二年屬濟州其年十二月卻入鄆州

### 嶧縣

括地志鍾離故城在沂州承縣路史齊乘並沿其誤

辨詳前

魏志彭城郡呂縣下有偃陽城未詳何時省入呂縣前後魏提綱缺書呂縣地

元史順帝紀至正八年滕嶧二州隸徐州總管府

陽穀縣

晉書孝武紀太元十二年慕容垂寇河東濟北太守溫詳奔彭城以天文志核之當作寇東阿

唐書藩鎮劉悟傳魏師踰河取盧縣壁阿井城中按阿井城卽漢東阿縣城亦可爲唐東阿非漢治之證